

校勘記自序

衡陽王氏船山叢書其目錄可考者七十五種稿本訪得

者六十一種湘鄉爵相及介弟爵帥捐俸授梓自甲子春

至丙寅夏刻成五十三種此三年中延致諸同人或校稿

本或校寫本或校刻本毓崧亦在局中專司覆校稿本合

計已刻未刻各書除未經覆校者六種說文廣義相宗絡

四唐詩選明詩選詞選餘五十五種皆檢其所引原書所用故實爲

之校勘就中似誤非誤者固不當增改刪移書經碑疏卷

以黑水在肅州而雍之西界應在亦集乃今按亦集乃係海子之名並無脫誤亦毋庸疏通解釋

若夫舊刻本有臆改之誤詩經碑疏卷一云廣雅謂之牛莖牛莖牛屬之轉也據廣雅兩

莖字皆莖字之訛莖音遲脣遲一聲之轉閱者知莖有跌
 音不知有遲音疑其與脣音不近遂臆改為莖耳詩廣傳
 卷三云文饒無犬戎之餌則吉閱之機不發據史鑑文饒
 乃李德裕之字吉閱即李逢吉李宗閱德裕官兵部尚書
 時杜棕與宗閱為隱語目為大戎欲餌以御史大夫之職
 大戎乃大戎之訛至於唐時吐蕃雖有犬戎之稱然維州
 渠帥自願來降並非贊普以此餌唐且使果指爭維州之
 事亦不當捨牛僧孺而言逢吉宗閱此必閱者疑大字為
 誤臆改為犬耳新抄本有傳寫之誤春秋家說卷三上云童子之
 而奪矣秦乃黍之訛手搏黍謂手持搏黍猶記言手弓傳
 言手劍此兼用棄百金取搏黍及葛伯要奪童子黍肉也
 宋論卷七云七年而始降未征又云以不相侵於未征之
 降未與未皆木字之訛木征乃西羌青唐酋長熙甯七年
 降於王韶者也王氏原本有檢閱之誤春秋釋疏卷上云貫范甯
 注音賴是已今按何范皆無音切范甯注當作穀梁釋文
 公羊注當作公羊釋文此因注疏與釋文合刻檢閱時誤
 探書亦有記憶之誤周易外傳卷六云楊億披緇而辱逮
 名也於死楊億乃王旦之誤尚書引義卷

三云若夫陸子靜楊誠齋王伯安之爲言也誠齋乃慈溪
之誤詩廣傳卷三云劉裕終廣固之役建業雖南旋兵而
孫恩已潰孫恩乃盧循之誤讀四書大全說卷四云道安
立雪斷臂道安乃慧可之誤讀通鑑論卷四云況仇士良
之以家奴而門生天子乎仇士良乃楊復恭之誤卷二十
八云李山甫李振之流皆以不第而生其怨毒山甫乃五
川之誤卷末云李存勳三垂岡之歎存勳乃克用之誤蓋
齋文集卷三讀陳書書後云魯悉達之言違於俄頃元武
之遺應如鼓鐘魯悉達乃蕭初擬悉仍其舊而臚列於校
摩訶之誤元武乃朱雀之誤初擬悉仍其舊而臚列於校
勘記中同人有謂詞義顯然不必存疑者於是刻本內此
等遂多改易惟誤處須引證而後明以及改之有礙於上
下文者則未嘗改爰卽此類次第編輯成校勘記二卷諸
同人按語就其鐵記之存者並爲錄焉前此新化鄒叔績
漢勛校刻叢書於經書稗疏五種多所點竄就中能訂抄

本之訛者固宜擇善而從

周易稗疏卷四引史記龜策傳校本改策為筴詩經稗疏卷二

引集傳云姚崇遣使捕蝗夜中投火火邊掘坑校本改投為設

惟原稿間有引證頗疏而

鄒改較密者

書經稗疏卷四下解鍤字云孔氏六兩之說為得其中然又不知其所本鄒刻改末句為

蓋本於尙書大傳

雖補苴罅漏不為無功然斷舊續竟究

一緩六兩之文也

春秋稗疏卷上解公次于滑云蓋今大名之滑縣紀在魯東南鄒刻改為滑亭在睢州西

非廬山真面

北紀在魯東北固屬有據然下文云帥師以西次於曹鄭

之閒又云鄭之東嚮紀也亦不北逕於滑下條解紀鄭云

紀國在齊莒東南今日日照安東之閒是王氏之意固以紀

為齊東南不以為在齊東北也固以滑為大名滑縣不以

為睢州滑亭也鄒刻刪去鄭之南嚮紀也二句改曹鄭之

閒為宋鄭之閒改齊莒東南為齊東莒北日照安東為壽

光臨淄雖考訂較密且有既經增改轉不及原本者

春秋

然非王氏真本矣

卷上云晉文登有莘之墟乃伊尹所耕之地在河濮之閒

漢為陽平縣今東昌之莘縣是鄒刻於漢上增在今陳雷

東北衛殺公子伋之地十三字意謂莘墟在陳畱其說雖

非無本然晉文登有莘之墟在城濮戰前一日賈注杜注

皆謂城濮為衛地則莘墟自當相近故王氏以為在東昌

莘縣即公子伋被殺之地以視指城濮在濮州莘墟在曹

縣者持論雖異亦可存參若鄭邑陳畱則距城濮太遙於

時地不合如謂城濮亦係鄭地則與子玉怒從晉師晉師

退避三舍事迹更不相符蓋晉文伐衛入曹之後仍屯曹

衛之間但拘苑春於衛並不進兵救宋子玉自由宋進兵

會前此救衛之師以逼晉及楚師有另改他說與原本迥

既敗然後晉師臨鄭盟于衡雍耳有另改他說與原本迥

異者四書稗疏解長府為泉府鄒刻改為僭王者之府今

似此者舊有設為問答之說一似原本自難自解者稗疏

無改理卷四上言金滕一篇可疑者十三今為臚辨之如右方鄒

刻改為金滕一篇解者晉惠故多召疑字就疑者之辨而

為之申釋有別立一說反指原本為或說者詩經稗疏取

如右方介圭兩條四書稗疏葬於魯條鄒有襲取諸孺之說孺人

刻所謂或說據原本即王氏之說有襲取諸孺之說孺人

刻所謂或說據原本即王氏之說有襲取諸孺之說孺人

刻所謂或說據原本即王氏之說有襲取諸孺之說孺人

原本者

周易釋疏解堅多心為多刺隨用學經室彙書經

謂紀即和堂即棠暗用經義述聞又言太原即今固原州

暗用日知錄春秋釋疏引水經注謂之舉洲改洲為日暗

用戴氏校本四書釋疏言狼藉乃落錯疊韻暗用德氏孟

子正義皆原本所無細刻所贈就中亭林潛邸與王氏同

時然未經相見未必會見其書有改從近時地名為原本

即使果見其書亦斷不肯襲取

所不應有者

今按敖山本在河陰縣境乾隆二十九年裁河陰亦改滎澤

澤王氏卒於康熙三十一年下距裁併之歲七十二年安

得豫知其事此與書傳託名孔安國凡此之類定從原稿

所作而中有昭帝時金城郡名何異

不參以鄒氏之言

氏厚善者能就五種釋疏中錄其自抒

已見之說選擇其刊仍還其名於鄒

氏亦復可傳所謂離之則雙美也

校勘記亦不逐條聲

明以省繁冗至於王氏原稿最精者確鑿不磨足以接武

昔賢爲來者先路之導

鄧氏顯鶴船山著述目錄附識云諸家所著有據爲新義輒爲先生

所已言者

四庫總目於春秋稗疏曾及之以余所見尤非一事蓋未見其書也

而卷帙既廣利

鈍互陳間有敘述參差由於考訂未確

李鄴侯居相位時陸宣公方居母憂

讀通鑑論卷二十四言鄴侯不薦宣公又言宣公不進言

蓋未核其年月也神氏爲將者放之從子世衡從孫詰諤

諫從曾孫師道師中皆在放後自放以前未嘗爲將宋

論卷三言放世爲邊將起家闕闕蓋未核其家世也注

解率易由於意見有偏

檀弓之申祥卽孟子之申詳自來皆以爲子張之子禮記章句以爲

子張門人樂記之子夏自來皆謂退老西河壽踰百歲禮

記章句謂文侯所帥之子夏必非聖門之卜子以字同而

流傳失之此撰述繁富者之常情無須深訝更有不滿於前人

然實爲明人而發

張孚敬之議大禮妄擬於歐陽文忠光

滿於文忠爲孚敬發也不

不孚乎公論而非其定論所存

薑齋詩集五十自定稿有為晉甯諸子說春秋自古詩云

腹借征南庫燈邀漢壽光據此知書中於關侯有疑詞者

皆未定之論也書經稗疏卷二云熙豐間王安石但為回

河之邪說而始終力主順河自流之議者惟蘇氏兄弟也

雜聞諸實遷蜀黨之怒暗中安石之毒而不察讀通鑑論

云無罪可加而蘇軾以文詞取禍宋論卷七云蘇子瞻海

外初還欣然就道夫固有不可恕於此之際者知其有

不可恃而欣躍以從亦君子宅心之厚與據此三條知書

中於東坡多毀詞此特一時感慨於衷借論古以發揮獨

者皆有激之言也

見而立言之大指未嘗強天下以必從猶賦詩者斷章取

義說易者無事達古故不自諱其矛盾之詞以明未嘗執

一讀通鑑論卷六敘論云甯為無定之言不敢執一以賊

道有自相詭亂者矣無強天下以必從其獨見者也

是在閱者尚論作者之世心知其意而弗泥於寓言凡別

有寄託者置之不議斯則善體也故舉其大略以質世之

讀是書者

同治丙寅夏四月儀徵劉毓崧識

狂船山叢書校勘記卷一

周易內傳

卷二下

頤

虎視眈眈 眈眈垂耳貌虎怒耳豎眈眈 頤而有求也
眈眈本作眈眈从目非从耳釋爲垂耳者蓋沿俗本之
誤

周易稗疏

卷二

渙

漢奔其机、机者伐木不盡之莖幹

各本周易皆作机無作机者船山周易
机注云或作机者伐木而畱其本也未
文云程傳以机爲机似所據者即朱子
作机其或作机者乃坊刻之誤俞氏集說作机注云尊
者所憑之物亦机之誤

周易外傳

卷二

蠱

則且有僞周已革而張說之涕猶零

以新舊唐書及通鑑考之中宗復辟後
武后遷居上陽

宮羣臣中嗚咽流涕者乃姚崇非張說是時崇正知政

事說流於欽州尚未還京也春秋世論卷二武曩已革而

張說泣張說亦當作姚崇皆記憶之誤陽湖周夢漁世

云流及其子且戴巨賊以快心於唐之子

孫則謂說子均均受安祿山之偽職也

書經稗疏

卷一

媯汭 漢郡國志云南流者媯北流者汭異源同歸混流

西注而入於河

按漢郡國志無此文南流者媯北流者汭二語本於史

記正義引地記

地記下內

異源同歸以下本於水經

河水篇注

水經注無而字

蓋誤合兩書為一書耳

卷四下

召誥

牛二 鄭康成以讖緯釋經析為二謂禘為祭天皇帝

主北辰而配以魯郊為祭耀魄寶等之五帝而配以稷

按康成禮注謂耀魄寶即天皇帝在五帝之上靈威

仰為周家感生帝列五帝之首鄒叔績校刻本耀魄寶

作靈威仰是也

尚書引義

卷一

大禹謨一

拖雷北返而似道奏功

拖雷乃元世祖之父追尊爲睿宗者以宋史元史及各書考之宋理宗開慶景定之間元世祖以皇太弟督兵攻鄂聞憲宗之訃班師北返賈似道虛報大捷其時睿宗之歿已久拖雷當作忽必烈

卷六

文侯之命

錄文侯之命於書以東周之不王下有不肖之子而平王

已盡乎人

上文云延及桓王又云此桓王之所以不王此處所云不肖卽指桓王然桓王乃平王之孫子當作孫下文壞於子而功不得就子亦當作孫

詩經稗疏

卷一

召南

委蛇 後漢書委蛇大如車輪亦謂大蛇也

文選張平子東京賦斬蜺蛇注善曰莊子蜺蛇其長若轅螻與委通用長若轅與大如車輪語亦相近特後漢

書張衡傳未載此賦耳

邶風

茶 而韓保昇言香蓼宿根重生可爲生菜蘇頌謂春初以壺廬盛子水浸透挂火上使暝生紅牙取爲蔬以備五辛

以本草考之蘇頌當作寇宗奭綱目列寇說於蘇說之後引用時未細檢耳

鄭風

芍藥 則是今花似牡丹根堪入藥之芍藥錢惟演爲之作譜者也

錢惟演當作孔武仲惟演嘗爲牡丹譜未嘗爲芍藥譜也

幽風

斯螽莎雞蟋蟀 若莎雞唯在豆葉上者爲紅娘子在王不畱行者爲王不畱行蟲在葛上者爲葛上亭長在芫花葉上者爲芫青其翅具雜采者爲蟹螯

以諸家本草核之在豆葉上背色黃黑者爲蟹螯在樗樹上翅具五色雜采者爲紅娘子當前後互異

鷓鴣 自郭璞以鷓鴣爲鷓類禽經注又誤以爲伯勞

禽經注當作遜齋閒覽此因本草綱目並列二說致有

誤引禽經注以鴟鴞爲鷓鴣此條下文始引集傳鴟鴞鷓鴣之說故知此處書名誤而伯勞二字不誤

卷二

小雅

漆沮 水經所謂北維水出北地直路縣東過馮翊葭沱北東入于河是已然沮水過葭沱而不徑入河則水經之疎也

據水經兩河字並當作洛然下文云禹貢言渭東過漆沮入河是漆沮合渭而後入河則原稿固作河也

坻 劉熙曰小沚曰坻

據釋名坻當作坻然上文云若水中高地曰坻从水从

氏與坻字不同下文云水中小小洲渚平薄無幾則原稿固作泚也

卷三

大雅

葦茶如飴 葢草之名葦者其類不一也至烏頭苗五也
一名孩兒菊

據本草孩兒當作鴛鴦

黃流在中 按說文鬱芳草也十葉爲貫二十貫爲築築者二百葉也

南匯張嘯山

文虎

曰說文本云十葉爲貫百廿貫築以

煮之爲鬱周禮鬱人注百二十貫下衍爲字賈公彥遂以築字屬上爲句然云不知所出又云築鬱見肆師職注蓋亦疑之今檢彼注云築鬱草煮之則爲字衍而築字下屬可決段氏說文注中糾之又云十葉當作千葉引百字解十百爲貫以證甚確此云十葉爲貫二十貫爲築築者二百葉也又誤中之誤然上下相應自是王

氏元文非脫百字

小又引者百葉之英二百葉以成鬱亦非許氏文而仍作二百葉知王氏

意如此

不必從鄒刻本補蓋卽如鄒本補仍誤也

下文引詩含神

霧曰鬱二百葉抄本百下衍十字鄒本改二百爲百二十疑元稿仍作二百否則自相矛盾矣

其當其翳

與周禮弊田儀禮弊旌之弊同

周禮大司馬述四時田獵之法有火弊車弊羅弊等語

此弊田二字所本至於儀禮鄉射有偃旌

坐東面偃旌
典而俟舉旌

以宮偃
旌以商無弊旌當是記憶之誤

鉤膺鏤錫 臧哀伯曰錫鸞和鈴昭其鳴也

據左傳鳴當作聲然下文云錫蓋鈴屬動則鳴者又云
則是以器假人而鳴不昭矣似原稿固作鳴也

卷四

周頌

鱣 續漢書及干寶搜神記鱣誤作鱣云鱣本音徐林

切後漢書注云口在頷下大者長七八尺則鱣卽今之鱣

字郭璞陸璣所云者鱣也非鱣也

續漢書搜神記述鶴雀銜魚之事皆作鱣然鱣字與鱣字迥別自來並無徐林切之音後漢書馬融傳云魴鱣鱣鱣章懷注云鱣音徐林反口在頷下大者長七八尺蓋船山所見後漢書誤鱣爲鱣也

商頌

天命元鳥 故天問亦曰簡狄在臺嚳何宜元鳥致胎女何喜

張嘯山曰鄒刻本胎作詒與天問合然下文言致云者若或致之而非燕卵之爲胎元也則元文固作胎矣

詩廣傳

卷三

小雅

祭遵之以雅歌殯也

據後漢書及通鑑等書遵征隗囂時以疾薨於汧營並
非傷亡此蓋誤記同時將帥岑彭來歙遇刺客之事屬
之於遵也

禮記章句

卷三十一

中庸

素富貴行乎富貴素貧賤行乎貧賤素夷狄行乎夷狄素
患難行乎患難君子無入而不自得焉 若富貴無憂勤
之心患難無冰淵之戒夷狄無羞惡之志忻然自得則亦
小人而無忌憚矣

錢塘湯衣谷

裕

曰本文四層並列船山衍釋斷不遺去

貧賤一層富貴無憂勤之心下當有脫句

春秋稗疏

卷上

莊公

郟 按爾雅水草交曰郟 通谷者微微之爲地下臨濟水

蓋澤敷也則微郿互稱有自來矣

歸安楊見山峴曰爾雅釋水曰郿作爲湄

僖公

緣陵 緣陵營陵也而辭瓚曰營邱卽臨淄營陵非是

漢書北海郡營陵或曰營邱瓚注曰營邱卽臨淄也營陵春秋謂之緣陵是辭氏未嘗合營邱營陵爲一也然鄒刻本徑改爲營邱與營陵本二地瓚說是也則與船山之本意不符矣

梁 梁國所在杜氏失注

杜氏注桓九年傳梁伯云梁國在馮翊夏陽縣故此後

梁國不更注非失注也然鄒刻本徑引杜注而不標明桓九年傳一若卽此僖十八年傳注則又誤矣

卷下

襄公

邢邱 杜氏於宣六年赤狄伐晉圍懷及邢邱注云今平臯是已乃又以爲鄭地之邢亭至何杜氏之不審而無定論也

此條次第在莒人滅鄆之後己亥同盟于戲之前所釋邢邱蓋卽襄八年傳之會于邢邱杜氏已注於宣六年故是年不注未嘗言鄭地邢亭鄒刻本以鄭地邢亭之

說歸諸說文於引證則得矣然非船山之指也

哀公

句繹 漢書東海下邳縣注云嶧山在西後漢書謂之葛嶧山云本嶧陽山

漢書地理志下邳縣自注嶧上有葛字與續漢志同船山所見漢書脫去葛字耳

春秋家說

卷一下

僖公

厚吳之亡而趙鞅惋恨於莫恤

此條論齊桓會江黃而以趙簡子會吳黃池爲證據左
傳越圍吳時簡子已卒惋恨於莫恤者乃襄子無恤也
獻公卒克奔鄭未嘗立于二孺子之庭至是以正里克之
弑而不得以出亡辭

春秋傳史記等書無里克奔鄭之事

卷二上

文公

晉襄在位十有三年而秦晉之兵爭也八春秋舉之無遺
詞至河曲以後秦之所有事者不數見於春秋

晉文公以魯僖三十二年十二月薨襄公以次年卽位

僖三十

二年

至魯文公十二年秦晉戰於河曲兵爭者九

十三年

晉敗秦于穀文二年春戰于彭衙冬晉人伐秦

三年秦

人伐晉四年晉侯伐秦七年戰于合狐八年秦

人伐晉

十年秦伐晉只言八者蓋以文八年秦人伐晉

十二年

戰于河曲

不書於經也然襄公薨於文六年其在位僅七年與秦

兵爭僅

五次至於後六年中三戰則是靈公在位時事

卷二下

成公

成公

宋許同之

云則宋許因是而不忌

云宋許不忌

云

此條論成十二年傳宋華元克合晉楚之成晉士燮會

楚公子罷許偃盟于宋西門之外是時與會者有宋無

許杜注云二子楚大夫據宣十二年傳許偃御右廣則
偃確係楚大夫非許大夫也

春秋世論

卷三

宣公

幸哉盾之速亡而林父興受其敗猶知悛也故收功於狄
據左傳宣八年晉卻缺爲政蓋趙盾實卒於是年矣十
一年會狄于欒函猶是卻缺爲政十二年邲之役荀林
父始爲政故楚伍參謂晉之從政者新是繼盾執政者
爲缺非林父也上文言靈公死後盾爭鄭者四兩盟諸

侯實則前之爭鄭者二年宣三年晉侯伐鄭五盟諸侯者

一七年盟于黑壤在盾執政時後之爭鄭者二八年晉卻缺帥師救鄭十年晉

宋衛曹盟諸侯者一晉宋衛鄭則缺執政時矣曹會于扈

卷五

昭公

頓胡沈之僅有其國云請命於晉而晉無能也於是三

國遂亡云楚安坐而收其國云

三國之中頓胡為楚所滅晉不能救若沈為蔡所滅則

因不會於召陵晉人使蔡伐而滅之非楚滅之也下文論定

公時召陵之會亦云首禍於沈晉啟其禁以授蔡此條偶未審耳

續春秋左傳博議

卷下

弗獲已而過於其流若李晟之立斬術士猶庶幾也

李西平拒參佐賓介熒惑退舍之說固未嘗斬人亦與術士無涉若奏原桑道茂係不斬術士非立斬術士也至於斥丁瓊狡兔三窟之說曰爾安得不祥之言執以聞然瓊之所言近於蒯通之說韓信乃策士而非術士且亦未嘗斬也

四書考異

諺子之足 諺尺氏切別也多之字諺子之手當同

說文諺下云離別也

船山刪去離字者蓋考異各條雖根據說文然與注釋說文有間故

或繫括大義或約舉其詞非一字不增損也

讀若論語跂予之足段注云跂

當是啓誤或曰當作哆予之足哆猶開也今按跂字爲

說文所無諺字訓離別哆字訓張口皆可引申爲開然

究非本義潛研堂答問謂啓卽啟予足之啟最爲精確

蓋啓訓省視較啟開爲尤切近當是正字許君所見論

語或有作哆之本亦係假借後之傳寫者改哆爲跂船

山所見之本又訛跂爲哆耳

讀四書大全說

卷四

爲政篇

況如子張者高明而無實故終身不仕而一傳之後流爲莊周

自來皆言莊周師田子方子方師子夏是一傳之後流爲莊周者係子夏非子張也

公治長篇

其對宣公之詞曰見無禮於君者誅之如鷹鷂之逐鳥雀也又曰於舜之功二十之一

上係季文子語下係史克語此一槩以爲文子語蓋蒙上而未加分析也

卷五

述而篇

陳氏所謂萬里明澈至萬里明澈則樂有片雲點染便覺

悶頓

陳氏原文云欲知樂之實須到萬理明澈則理當作理

澈當作徹船山蓋據誤本因以萬里明澈與片雲點染

相對立論下文云若必萬里明澈而乃以得樂則且厥風雲憎雷雨若將挽焉亦此意也

卷六

子路篇

輒逃而君衛者猶有靈公之嫡孫疾在而不必郢此中子

之所以君孤竹也

據左傳疾乃輒之子於靈公爲曾孫非嫡孫輒果逃則疾亦義不容立矣船山蓋誤記疾爲輒之昆弟也

卷七

陽貨篇

好勇而不好學如劉穆之王融只是勇於有爲便不復顧名節故其蔽亂此剛勇之別體用各異不可紊也

亂下原本當論好剛而不好學其蔽也狂亦引史傳古人爲證傳寫脫去耳

卷八

公孫丑上篇

內裏有箇義作骨子

義即縮也故曰義以直內

周夢漁曰易文言敬以直內義以方外

此作義以直內

殆記憶之誤

滕文公上篇

虎雖匪人然其面詆齊侯而辭其祿

據左傳面詆齊侯似鼠乃不與田係臧

武仲事非陽虎

事

卷十

告子上篇

集註已未免墮在北溪更添上一段描畫至正北溪所謂
亡不是無只是走作逐物去也

亡不是無只是走作逐物去係朱子語非北溪語

Vertical columns of text, likely bleed-through from the reverse side of the page. The text is mostly illegible due to fading and ink bleed-through.

Small characters or a seal at the bottom left corner.

王船山叢書校勘記卷二

讀通鑑論

卷二

漢文帝

仁宗之寬厚李祭酒之剛直且荷校而不能引退

李時勉官祭酒而荷校國學門在英宗時此言寬厚則是仁宗非英宗矣然仁宗朝時勉雖嘗下獄且爲金瓜撲折脅骨而無荷校之事且彼時以翰林改御史尙未爲大司成也

卷五

漢平帝

張說之泣武嬰

張說當作姚崇詳見卷一周易

上宮姚元之涕泗嗚咽元之即崇之改名可證船山偶然誤記

卷十二

晉惠帝

劉淵雖挾桀敖不逞之材至淵匪

宗族及其種類駢死於冉閔無子

劉淵之族至劉粲時大半為斬

熙時復為石虎所殺靡有子遺

外傳卷二十一唐中宗條內云武氏遷於

茹而逞不再世而子孫

遺焉

準所殺其僅存者至劉

非駢死於冉閔也冉閔所殺

者石虎之
子孫宗族

卷十七

梁武帝

獻以景宗之下己而讓使先己告
而變盧雉以自抑

捷景宗乃以獻之不伐

湘潭歐陽曉岑

兆熊

曰擲盧作

纂係韋獻事篇中屬景

宗誤

卷十九

隋煬帝

楊廣之不道而見弒於宇文化及
許善心張仲瑛亢賊以

死

與善心同抗化及而死者乃仲瑛之弟琮非仲瑛也仲瑛

殉難於...兄弟三人皆隋之忠臣義士特殉難之時地不同耳

卷二十一

唐中宗

高宗在位三十四年尚書令僕左右相侍中同平章事皆輔相之任為國心膂者也而乍進乍退尸其位者四十三

人

按下文所數人名共得四十有三長孫無忌褚遂良于志寧高季輔張行成

李勣韓瑗來濟杜正倫劉仁軌上官儀劉祥道李義府許敬宗宇文節柳奭崔敦禮辛茂將許圜師竇德元樂

彥璋孫處約姜恪閣立本陸敦信楊宏武戴至德李安期張文瓘趙仁本郝處後來恆辟元起高智周張大安崔知溫王德真郭待舉岑長倩魏元同裴炎劉景先郭正一然唐高宗朝宰相徵諸唐書高宗純宰相表並資治通鑑除所數之外尙有任雅相盧承慶李敬元李義琰四人此未言及者蓋檢閱之誤

卷二十二

唐睿宗

姜皎與誅逆之功元宗聞宋璟之諫放之歸田下制曰南陽故人以優閒自保其於劉幽求鍾紹京胥此道也徇國亦爲其所可爲者而已過此未有不召憎惡於明主者

歐陽曉岑曰道也下徇國上疑有脫誤

卷二十四

唐德宗

高帝斬丁公光武誅彭寵之奴豈不念於我有功哉

光武封彭寵之奴爲不義侯雖以不義寓貶詞然旣封爲侯則不但不誅而且加重賞宜權文公議其失也此言誅者蓋因竇建德曾誅王軌之奴誤記爲光武事耳爲德宗謀爲敬興謀固未可遽相敬興也

至董晉竇參苗

晉卿所不敢相排以相奪者徒鄴侯耳

晉卿卒於代宗永泰初不及事德宗至於鄴侯宣公之

爲相更不及見此必因宣公會爲晉卿及其諸子辨明
誣謗遂誤記爲晉卿猶在也

卷二十六

唐穆宗

李德裕自以門廕起家至其知貢舉榜發而有相將白日上青天之譽迨其貶竄而有八百孤寒齊下淚之思

據新舊唐書及唐摭言等書杜棕曾勸李宗閔以德裕知貢舉而未果其所以致八百孤寒之感者則因當國數年頗爲孤寒開登進之路耳至於相將白日上青天之詩作於李逢吉知貢舉之時與德裕無涉

李逢吉之惡夫人而惡之德裕不與協比正也而忽引所深惡之牛僧孺於端揆而睦於僧孺無定情矣

歐陽曉岑曰李德裕無引牛僧孺於端揆事篇內疑有

誤

按通鑑云時僧孺與李德裕皆有人相之望德裕出爲浙西觀察使八年不遷以爲李逢吉排己引僧孺爲相由是牛李之怨愈深此言逢吉引僧孺於端揆非言德裕引僧孺於端揆船山誤會其意故移逢吉之事於德裕此檢閱之疏也

唐懿宗

傳及僖宗侯昌業孟昭圖張道古皆死焉

據史鑑張道古在昭宗時官左拾遺乾甯四年上疏稱

國家有五危二亂貶施州司戶據北夢瑣言道古後入

蜀為王建所害非死於僖宗時也周夢漁曰僖宗殺三

常濬也張道古乃常濬之誤

唐僖宗

故言鄉團保甲者皆唐僖宗韋保衡之徒也

此即上文所言天下鄉村各置弓刀鼓板也事在僖宗

乾符三年正月其時宰相乃鄭畋盧攜李蔚崔彥昭等

人若章保衡已於懿宗咸通十四年十月賜自盡是歲
七月僖宗即位其時保衡攝冢宰至九月即罷相貶官
下距置弓刀鼓板之事二載有餘此記憶之誤

卷二十八

五代上

女直之陷汴張穀郭藥師之使之也蒙古之滅宋呂文煥
劉整之使之也

張穀雖反覆於遼金之間然降宋之後因金人索取宋
人斬首送金至陷汴之時穀死已久其末路與郭藥師
呂文煥劉整判然不同此誤記趙良嗣之事爲穀事也

卷二十九

五代中

李從珂屏侍臣於便殿與馮贇盧文紀密談而敬瑭速反
馮贇係離開從珂之人閔帝時為安從進所殺未及見
從珂即位通鑑敘便殿召對宰相之事在清泰二年七
月被時與盧文紀同相者有姚顛張延朗無馮贇也

卷三十

五代下

李昇於是而畿於道矣當其時石敬瑭雖不競至即合幸
勝石氏而北受契丹之勅敵東啓錢鏐之乘虛南召馬殷

之爭起

此係論南唐不伐石晉之事彼時吳越王爲錢元瓘楚王爲馬希範鏐與殷皆已沒矣

劉崇方挾契丹以入

至

德光且畱不去

北漢王劉崇挾契丹與周戰於高平之時德光久歿契丹主乃兀欲也

宋論

卷六

神宗

王莽進漢宮而言周公

宮當作公進漢公謂進爵安漢公彼時卽有省安字而
但稱漢公者如楊子法言孝治篇云周公以來未有漢
公之懿也宋咸注云漢公王莽也是其證矣

卷十四

理宗

而賈似道之罪不可勝誅非但其納款拖雷而背之召寇
也

拖雷當作忽必烈說詳卷一尙書引義

卷十五

度宗

夫以韓魏公之公忠而兩朝定策引退不遑豈可望之史
賈之流者乎孝宗嗣而婁寅亮張燾之賞不行小人懷惠
而天下隨傾亦烈矣

上下文皆言賈似道誇張定策之功所謂小人卽指似
道蓋以孝宗比例度宗而以婁寅亮張燾針對似道繹
其詞意不行之下小人之上當有數句轉折傳寫者脫
去耳

蓮峯志

卷二

沿革

自唐大曆韓子登南嶽望藍嶺揮涕焉

昌黎生於大曆三年至大曆末年甫十二歲其時無登南嶽之事大曆當作元和

卷三

名遊

乾道丁亥至洪覺範在峯

洪覺範即惠洪一名德洪係北宋末年僧人南宋建炎中卒乾道丁亥上距建炎末年庚戌已三十七年覺範焉得尙在此傳聞之誤

文敏公諱貞吉

上文言趙文敏據明史趙貞吉謚文肅此作文敏蓋傳

聞異詞

船山明詩選
亦作文肅

五十自訂稿

六言

詠史

墮淚曲江秋燕白頭小范黃花變雅三年破斧續騷一部
懷沙

此詩以張曲江秋燕詩比楚騷懷沙范希文西征元昊
比東山破斧然黃花晚節香之語本於韓稚珪詩此誤
記韓事爲范事也

郝鑿生憐逆子沈充死愧賢孫桂蠹何傷芳樹蘭

潛根

郝愔乃郝超之父不知其子之惡沈勁係沈充

蓋其父之愆此以愔為鑿鑿乃愔之父超之子又以勁為充孫皆

記憶之誤

遺興詩

直方莫打龜山譜西席逢迎只蔡京

據史傳及宋人筆記蔡京家西席勸京薦用楊龜山者

姓張名醫字柔直非字直方也

鼓棹初集

賀新郎

用韻奇題翠濤山居

畫駿不臨松雪譜自寶思陵鷹爪

自注云翠濤家藏宣和畫鷹宣和係徽宗年號然徽宗稱祐陵若思陵乃高宗也

薑齋詩賸稿

船山遺書補遺一

衡陽王夫之撰

戊戌嶽後辱戴晉元見訪今來復連榻旃檀口占五

古一首

我居雙髻峯峯雲嘗相護雲裏忽逢君不畏潭龍妬荏苒
十八年夢中時一遇今昔非有殊鬚髮徒蒼素譬如雲隙
月隨處時偶露不知東升烏何有西沈兔明明雙眼孔誰
者爲新故薪易火居然千秋爲旦暮同君宿郊菴四目還
相注回看雙髻雲南飛繞湘樹

示姪孫生蕃

忘卻人閒事始識書中字
識得書中字自會人閒事
俗氣如糲糊封合心竅
閉俗氣如嵐瘴寒往熱
又至俗氣如炎蒸而往
依坑厠俗氣如游蜂癡
迷投窗紙堂堂大丈夫
與古人何異萬里任翱翔
何肯縛雙翅鹽米及雞
豚瑣屑計微利市賈及
村氓與之爭客氣以我
千金軀輕入茶酒肆汗
流浹衣裾拏三而道四
既爲儒者流非背亦非
隸高談問訟獄開口卽
賦稅議論官貪廉張脣
任譏刺拙者任吾欺賢
者還生忌摩肩觀戲場
結友禮廟寺半截織錦
襪幾領厚綿絮更僕數
不窮總是孽風吹吾家
自維揚來此十三世雖
有文武殊所向惟廉恥
不隨濁水流宗支幸不
墜

傳家一卷書惟在爾立志鳳飛九千仞燕雀獨相視不飲
酸臭漿閒看傍人醉識字識得真俗氣自遠避人字兩撇
捺原與禽字異瀟灑不沾泥便與天無二汝年正英少高
遠何難企醫俗無別方惟有讀書是

大雲山歌

爲熊畏齋社戚翁六秩壽

湘山之高雲山高朱鳥回翻蟠雲翺羣仙握符顧九寓翩
然來下揮旌旄我聞石笈金扁在峯頂綠苔不掩珠光炯
邇來六百四十六春秋紫金液老三花鼎鼎裡刀圭人不
識懸待其人烹太極靜如止水暝如雲卽此金壺貯春色
我欲從之君許否願酌紅泉爲君壽松雲蘿月數峯前玉

露凝香挹天酒

重過蓮花峯爲夏叔直讀書處 七律

山陽吹簫不成音
淒斷登臨舊碧岑
雲積步廊春袖溼
燈寒殘酒夜鐘深
河山憾折延陵劍
風雨長迷海上琴
聞道九峯通赤帝
松杉鶴羽待招尋

同歐子直劉庶僊登小雲山

青天下鏡倒晴空
戰壘仙壇碧萬叢
終遣屈平疑邃古
誰從阮籍哭英雄
大荒落日懸疏檻
五嶺孤煙帶遠虹
獨坐上方鐘磬裏
消沈無淚灑羊公

寄懷陳耳臣兼懷安福陳二止

緱山月榭夢中秋
疏雨湘波一寄愁
老大乾坤添戲局
蕭條風月識中流
維摩香飯聊長飽
魚蟹哀絃未易酬
爲訪華山酣睡客
可容長笑指神州

春山漫興

千心一病總消除
隨處中原且卜居
餘草舜根堪藥裹
安流禹治付蒼書
枕函帶夢花陰徙
釣竹過春篠尾舒
霧眼能留臨曲沼
桃花雖謝長芙蕖

輓烈婦廖周氏

五絕

冒刃扶姑命軀殘
刃折鉞至今荒塚裏
贏得血痕香

悼亡四首

十年前此曉霜天
驚破晨鐘夢亦仙
一斷藕絲無續處
寒風落葉灑新阡

讀書帷底夜聞雞
茶竈松聲月影西
閒福易銷成舊憾
單衾愁絕曉禽啼

生來傲骨不羞貧
何用錢刀卓姓人
撒手危崖無著處
紅鑪解脫是前因

記向寒門徹骨迂
收書不惜典金珠
殘帷斷帳空畱得
四海無家一腐儒

龍源夜話卷一

船山遺書三十八

衡陽王夫之譏

請終喪免閣試疏

湖廣衡州府衡陽縣舉人今丁憂臣王夫之謹奏爲微臣父服未終輔臣薦疏猥及懇乞敕免閣試以遂愚私以重館選事臣父朝聘以永祿元年十一月十八日因衡州被陷僞官勾索令下憂憤成疾而終臣方匿處苦塊不能達不肖之企及嗣後奉父遺命與今中書舍人臣管嗣裘起義衡山力弱事敗逃死行闕其於禽鳥躑躅之故枝能啜嗽長鳴者曾未幾時臣眞不如死之久矣前督輔臣肩錫

誤以庶常薦臣臣告之冢臣晏清幸得以終制覆允不謂
留守輔臣瞿式耜爲汪郊等請閣試復以臣名廁於其後
也在臣蟲蠹之技實不稱名癯寒之骨賤不勝貴其不可
與清華之選當輔臣策鞭之知者固不足論但臣本以不
孝通天之罪偷翰飛曷穀之生不特麤苴之衣屨不忍輒
越典章而且不祥之姓名未敢妄干知已卽今被虜踉蹌
萍寄昭江者踰月輔臣駐桂相去帶水雖輔臣下士之名
溢於聽觀而掩涕孤棲不敢以凶人辱仙舟之下座豈臣
親近有道之心獨居人後實循思分義卽欲隕越以貽君
子羞蓋亦有所不得也不知輔臣何所誤聽遽以臣玷騏

驥之尾或未熟識臣之爲丁憂或謂臣在大祥之後可俟
春明之期乃臣不但冒禫制以就試干聖代匿喪之辟卽
俟服闋以須試亦犯春秋居約之誅此臣所聞命倉皇屏
息而不甯者也伏乞皇上敕閣免列與試之末俾亡命微
軀不致驚憂失據遠竄得苟全性命於輦轂之下以延他
日首邱之望臣所徵皇上浩蕩之仁與輔臣愛人之德眞
糜軀不~~死~~云報矣臣微賤書生妄干聖鑒不勝哀切惶悚
之至

王夫之奏請終喪乞免閣試足見孝思更徵恬品着俟服
闋另與議考該部知道

龍溪不詳卷一
二
陳言疏

行在行人司行人臣王夫之謹奏爲邪正之消長有機大臣之進退有禮仰祈聖鑒允輔臣之乞休以俟國是之徐定事臣惟國家當屯難之時陰陽易致相搏故氣數之消長婚寇相乘而人事之進退磐桓難決其抑陰於方張扶陽於已孤者自明主因機成斷固有堅定之心而欲進者不快其進欲退者不遂其退則邪之干正反充盈潰決以成撓擊之勢害極於一往而不復乃理數之自然也是以李泌以可進可退之身從容以處讒忌之百至而唐以再造文天祥以不進不退之身日搖落於王爚陳宜中之黨

乃終宋之世君臣兩受其傷亦顯然左事之明券矣昨科
臣雷德復參輔臣嚴起恆一疏備極污讟眾心揣摩僅構
危章在輔臣之心迹皇上鑒之二祖列宗在天之靈假之
天下臣民共耳目之豈俟臣贅且德復之造端本末授受
機關抑路人知之卽德復清夜捫心亦自悉之臣又何敢
過爲吹索獨是德復立言之旨其言之已及者二其言之
未及而已暗及者一臣靜觀其根長甲萌之深輔臣卽欲
不去而不可皇上卽欲留輔臣而亦不得矣德復言之已
及者爲新召之輔臣效先驅也皇上溫綸迭降安蒲屢催
國門望風之儔已莫不溯洄於帶水建瓴振槁時可以出

臣所 皇上之腹心未奪則神通之新政或妨微德復言輔

去者一面況貴介居闈迎門首効德復之業以元

狂乎為中樞之篆務爭予奪也皇上慎簡詰戎遲回

資屠門犬嚼之情已久矣魂搖於甘夢綠左丹飛為計

將窮矣而皇上之託畀已重則積薪之居上無期微德復

言輔臣所當去者又一而況香火情濃盟言彌固德復之

業以牛耳自雄乎德復言之未及而已暗及者為百尹之

歸誠宜壹而一人之眷倚宜偏也輔臣自扈從以來於茲

三載憂慮屢遷奕局迭易而皇上恩禮之隆始終一日豈

輔臣無所感孚而至此乃居羸畜厚之門益圖壯趾而止

水寒冰之度形凝雲泥未

雨草之

鋤殊甚桂膏之蠹輔

臣之宜決去以謝友朋者嘗不俟事幾之兆及風波之既
沸斯挂席之已遲又况德復之入奉密謀出倡危論已極
人臣所不可當之罪而加諸鏤空畫火之篇章乎夫皇上
之所堅留輔臣者欲使行其所能爲也輔臣所奉以事皇
上者亦欲爲其職所得爲也如鞏革未遯之餘而孤存其
碩果之寔詬不以爲辱傾不以爲傷且欲使其撞機息牙
聽命於悠悠之口則皇上旣爲輔臣分怨而輔臣不能與
皇上同憂如臣所謂一往而不可復者陽剝未終陰力不
輟搏擊紛披之勢中之國運而不炤又何如聽輔臣之乞

休俾始終於光大容保之中以殺彼方張之勢也且近者
降割自天震泥已甚大小臣工不能進憂國難退審死生
逆瞽經營爭競騰害氣始於庶僚浸淫延於公輔故四
方輕視朝廷而威令窮於閩外今誠使輔臣以高蹈之鴻
蹤矯予雄之鼠嚇舉朝內媿或尙改轅又必非皇上激
厲風軌之大端而陰往觀陽邪不勝正或可入甯字泰
之一日則皇上君臣之際揚抑之權有不事神而兩全
者臣以新進小臣避虜餘魄偷生輦轂不當強與自
干誅譴顧自德復發疏以來傅榭朱顛之先聲已銷盡同
朝之膽無敢復爲皇上言者故憤不畏禍出位妄陳席藁

待罪靜俟嚴處伏乞皇上親賜裁鑒施行

時方盜惚欲靜兵刑之氣先消唇舌之鋒科臣雷德復以
躁妄褫職正望大小臣工和衷一德共濟時艱王夫之職
非言官似訐似嘲偏激輔臣以去是何肺腸奉內事姑不
深究該衙門知道

自序

梁谿高彙旃先生世泰評夫之時藝云忠肝義膽情見乎
詞永麻二年明旨下獎云骨性松堅君師均在於三而匪
莪伊蔚實忝所生何以仰酬假借哉苟免污辱良不足道
豈得藉口宛爲傷勇耶壬午舉於鄉方上計偕至南昌而

麴騎且涉淮李自成陷承襄荆德左良玉奔江黃癸未元
日舉主歐陽方然先生介改名霖諭夫之歸省九月張獻忠
陷衡州購索士紳與伯兄夜走南嶽之雙髻峯家君子已
衰不能徒步爲僞吏所得脅求夫之兄弟先君子迫欲自
裁故交黃岡奚鼎鉉陷賊中力爲展轉不能解夫之乃刺
腕傳毒出與鼎鉉謀脫先君子於難

以下闕

述病枕憶得

崇禎甲戌余季十六始從里中知四聲者問韻遂學人口
動今盡忘之其有以異於齧音否耶已而受教於叔父牧
石先生知此耦結構因擬問津北地信陽未就而中改從
竟陵時響至乙酉乃念去古今而傳已意丁亥與亡友夏
叔直避購索於上湘借書遣日益知異制同心搖蕩聲情
而繁括於興觀羣怨然尙未卽捐故習尋遘鞠凶又展轉
戎馬間耿耿不忘此事以放于窮季管在癸未春有瀚濤
圍初刻亡友熊涓公爲序之亂後失其鋟木賴以自免笑
悔戊子後次所作爲買薇集已爲土人弄兵者劫奪此後

則存五十自定藁中凡前所作所謂壯夫不爲童子之技也然惡知今之果有愈於童子否耶昭公旣壯而有童心抑不自知其童況老而自知之智衰乎今季病垂歿得友人熊男公療之而蘇因教予絕思慮以任氣之存去顧思慮非可懸皮之物寄之籬間壁上無已從其不爲心極者因彷彿憶童季至丁亥詩十不得一而錄之乃以知余之未有以大異於童子而壯夫亦奚以爲敕兒子勿將鏡來使知衰容白髮歲在丙寅末伏日船山述

憶得卷一

船山遺書六十八

衡陽王夫之撰

乙亥

中秋里人張鐙敬和叔父牧石先生

誰倚笙歌鬧九衢
絳雲深處有金樞
鸞迴碧漢臨明鏡
龍向江天護寶珠
舊識東風開火樹
新從西爽醉芙蓉
落梅莫詫行歌好
天竺香飄桂影疎

丙子

蕩婦高樓月

白雲不覺飛
但見月東去
碧海漫迢遙
瞥眼多疑誤
妾癡

戀金微君今在何處

黃鵠磯

漢陽雲樹色倒影入江流海氣東風合秦雲晚炤收僊踪
疑費呂霸氣想孫劉我欲騎鯨去無心問蒯緱

丁丑

初婚牧石先生示詩有日成博議幾千行之句敬和
閒心不向錦屏開日日孤山只弄梅冷藥疎枝吟未穩媿
無博議續東萊

夏日讀史曳塗居聞松聲懷夏叔直先生

高齋永晝送清暄別巘微涼透柳軒潮水孤琴傳海島中

峰長嘯發蘇門漣漪碧浪搖雲氣環佩天風動月魂白徹
冰壺消暑色不勞河朔倒芳樽

己卯

匡社初集呈郭季林管治仲文小勇

我識古人心相將在一林以南偕雅籥意北任飛吟莫擬
津難問誰言枉可尋良宵霜月好空碧發笙音

劉子參計偕北上便寄奚中雪

得第總如君吾將復論文老生悲管輅童子悔揚雲碩鼠
江南詠清人河上軍天人如獻策莫但頌臨汾

庚辰

送伯兄赴北雍

高堂有老親，明庭無直士。兄勿悲乙科，行行念欲止。二月
暄氣新，帆影度紅檣。岸柳榮柔荑，歸鴈識沙嘴。艤棹秦淮
曲，齊趙接方軌。微生豈蝸縮，夜寢常飛駛。貧賤負春暉，刊
落早摧萎。非無輓輅心，方抱負鼎恥。吾兄承明詔，虎門登
冑齒。納約可自將，因之薦貳簋。愚心進慰藉，良遇原非詭。
祿養匪親心，道泰情所倚。北過河濟郊，白骨紛戰壘。連歲
飛阜螽，及春生蠅子。盈廷騰謠詠，剜肉補瘡痍。痛哭倘上
聞，猶足媿諾唯。持以慰親憂，勿爲歌陟屺。濁酒方在尊，離
亭望伊始。珍重清湘流，芳桃濯錦水。

月下步春溪
樾徑抵金錢
沖訪季林
因與小飲
青藤漏月月如絲
一徑霜華澗艸滋
夜打酒家門未起寒
梅驚落兩三枝

辛巳

乾濤園初構種竹環小軒
雜植花卉盛夏遂已成陰
迥然有作

松影偕鄰院
寒濤亦自清
因茲知物理
隨意得山情
書卷綠
充入衣裾
香露生
他時夕吹合
漸可送秋聲

壬午

上蔡威函先生

先生諱鳳以比部郎欽恤楚刑徵文課枉見特獎期於鄂城相待詩以志

天下方凋落物情感一春自公銜帝命萬里無冤民法律
時方亟詩書道易賓秋官非擊隼司寇重書麟泣罪車方
下談經志已伸沿湘行采采刈楚已蓁蓁自省蟲吟苦方
含轂語漳時名心未許古學世多曠鶴抵空林玉蝸縈篆
壁銀成引愁泛駕鄭衛忍橫陳一顧鹽車汗如逢縱壑鱗
從茲登作者不復歎幽人笑語僊舟洽吹噓錦字頻所期
良鄭重自警敢逡巡報命歸天一含情記漢濱方期收國
士益用廣皇仁未覺頰眉如還綬一繁新白蘋秋色裏試
問採蓮津

黃鶴須盟大集用熊涓公韻

古人已往不自我先中原多故含意莫宣酒氣撥雲江
際天陽鳥南征連翼翩翩天人有策誰進席前

舟發武昌留懷熊涓公李雲田王又沂朱靜源熊南

吉

武昌官柳舊森森漢北青峰落日銜風起一江千疊水雲
低兩岸半收帆難忘清賞皆成恨欲斂歸心未易緘渺渺
湖光千里白漫隨南鴈望霜函

銅官

相近波千纈湖餘勢一青自然成氣象終古幻蒼冥影轉

帆隨幽蒼來岸落汀正餘吟興好新發洞庭舫

劉杜三馳書見訊書尾以歌者秋影見屬答之

君有清歌付雪兒遙將紅豆寄南枝海棠漫倚西川錦自
是無詩到李宜

壽錫山高太夫人

惠水清泉沁玉肥靈苗春長潤芳菲四朝型典徵彤史七
澤文章戲綵衣聊采松枝擎五粒敢因帶艸拜雙闈傳家
忠孝師門事寶婺流光護紫微

朱亭晴寒寄小勇

小水無瀾波孤山無峻質嶽勢以麓增湘流以蒸匹而廬

其下人矧可無良暱江皋輕別子向北背寒日良繇親髮
頽覓祿古所述兩槩擊澗流遙山正荒出野燒亂夕暉密
邇孤麈逸矐言思君子欲語衷非一親老復善病旦夕倚
荅朮有兄薑桂性以惡爲讐疾歲盡懷征人向曉霜風深
父兒或強歡母淚時已滴棄家從萬里羞與達者隲時望
水霜晨或於臘元吉屐響扣柴門就之課稷秬庭聞人跡
少藉以慰憂恤屈伸自天存離合見疎密憐此行者情敢
不拜誠實

癸未

上舉主歐陽公

陽六律陰六呂能節眾樂音不能使眾樂舉嗚呼乎三苗
未格七政亂支祈橫流夷羊舞聖人拊髀命后夔笙鐘鼈
鼓懸筍簞夫也身爲君山斑紋竹吟秋風兮江之渚非無
仰登東序心湘一澗兮漢一嶼遙聞期我海嶠音夫子實
彈方子琴顧我將欲刺船去覆容與兮躋我於竦峙之危
岑是時秋月炤黃鵠哀絃一彈廢眾吟師渡江兮夫歸嶽
西風木葉江煙邈自幸不奏鬱輪袍但侍延陵陳舞箭蒸
湘寒雨霜葉飛口不言思心自覺流者匪湘峙匪衡高深
因師失其卓彼一時兮楚之陞此一時兮吳之涯溪沙湧雪
北風烈何以使我忘飢疲與聞僊樂鳴雲際振徹凡耳清

心脾亦曾開躡七十二峯螺黛頂至此若遂失峨巍嗚呼
乎敢不自珍以答師周幽雅兮漢鏡吹掃天狼兮長彗舞
九辯兮雲旗明堂玉簡從封禪方今聖人待者誰九韶再
奏兩階羽孤鳥有情唯鳳知

歐陽公招遊龍沙同劉曲溟周二丕泊齊季諸子寺
有湯臨川手題卽用爲起句

池開沙月白門對杏榆清墨脫蝸盤重木喬鳥矚淡管賢
傳雪泛久旅愛冬晴離亂集師友茲遊未可輕

元日泊章江用東坡潤州韻

開心欲向野鷗參更聽魚龍血戰酣何事春寒欺曉寢輕

舟猶未度江南

其二

爲愛夜來歸，艤好扁舟穩。
趲落梅風，章江門外渡聲急。
卻在蘆根鴈影中。

舟止

舟止石峽西，樹出石峽裏。
欹望樹梢眠，船下長春水。

江行代記

余歷冬春自袁入章江，至南昌而反，改繇吉涉雲陽，下涖水歸其間。江水清淺，重山疊嶂，沙汀危石斷處，卽爲州縣有足記者，不記代之以詩。

閒攜楚酒度吳干薄醉征衣夜未寒
火罨有煙能淡日水春成響卽驚灘
江邨餉客魚蝦最稔歲逢舟稻麥寬
何事孤城鳴夜杵停舟未遣寢魂安

其二

灘聲驚報榜人喧疑有飛濤濺雪翻
不謂峽流爭一綫徒教小艇轉雙門
水名幸在畱孤影岸木難支倒挂根
客膠莫矜江漢永原因幽險積乾坤

其三

袁州孤塔未全奇突兀遙從兩岫爲
石筍何干香火事僊墳漫遣古今疑
黃扉盛日移橋柱山賊前時犯女陴
擬問

文壇多辨客家山莫被野人欺

郭外一石筍郡人以神事之可笑分宜移橋於蘇州

袁人之言也袁天綱墓在真定而指宜春臺爲其墳迹者彬梓賊掠袁而郡人張皇報功張爾公以好辨名其郡事

不與辨正
睨一笑之

其四

臨江朱橘滿汀洲長寫葱蒼兩岸秋爲客具知根葉主此
鄉殊有稻梁謀隨舟委曲連千樹負郭團欒飽一州莫贈
莫釐峰下客吳姬眉黛不堪愁

其五

冬嚴水落沙汀出城市微明煙渚黃貢水勢經江水闊吳
天遙接海天長衣冠閭閻從人偕廟社僊靈劇鬼裝莫笑

吳儂歸窳少金堤頻決井闕荒

其六

章門巨浸歎空驕許遜何當定沃焦千載狂瀾原未定半
池涸水太無聊從來鐵蝕龍珠畏漫詫鎧光蟻垤搖傳與
東征妖贊畫橫拋羣鵝付狂潮

許真君之說野人語也而吳江袁黃贊畫征倭謂平

秀吉乃蛟精所化請許斬之浮五百鵝于海以厭勝其妖悖如此袁黃世所稱袁了凡也

其七

洪都高閣接城陴潭影閒雲總未知宗伯重書非二妙中

丞新建亦駢枝韓公雅調誰當賞管令狂吟早見嗤何似

龍沙沙一曲猶堪斗酒聽黃鸝

滕王閣接市簷了無可觀解石帆中丞新修亦不雅

董思白宗伯書王勃腐辭勒石昌黎閣記高古
而世不傳管元心正傳令永新有詩板笑之

其八

虔兵入衛氣驕橫歸路廬陵屢夜驚取次渚宮成賊壘蕭
條淮北盡空城家山近望憐征鴈谿路含愁聽早鶯還恐
南枝棲不穩曉來星影射長庚

九礪之一

賊購索甚亟瀕死者屢矣得脫匿黑沙潭畔作九
礪九章九傲楚辭礪傲宋遺士鄭所南心史中詩
自屈大夫後唯所南心史忠憤出於至性與大夫
相頡頏願從二子遊故傲之大亂後盡失其藁僅

約略記憶其一緣從賊者斥國爲賊恨不與俱碎
激而作此

父母生汝身蒼天覆汝上土臬甘母肉欲噉心已喪利劍
不在手高屨從汝謫一聞心已寒屢聽魂空漾訴天求長
葦一掃雲霾障回問汝何心面目還相向不見汝妻孥昨
夜歸賊帳昏醉白日中哀汝萍隨浪陸地而行舟寒泥誇
其盪雌劍不發兇摩娑氣益壯

寒雨過臺原寺逢夏仲力下竹輦灑不得語仲力授

以絮因賦二詩

以下五首曾刻入嶽餘
集字句互異今兩存

匿影此郊原相看兩不言無衣度霜雪多難憫乾坤泥重

芒屨盈雲濃席帽昏憂愁從此去託足向何門

其二

得絮不云暝此情君自知主憂臣未死形在影難欺綠艸
華山帶高樓夔子枝誰言身未嫁萍梗任風吹

聞郡司馬平溪鄭公收復邵陽別家兄西行將往赴
之

微生一日一虛生爲惜鴻毛死亦輕但使土門能破賊不
教李萼負真卿

月中曉發僧俗送者十三人皆泣下感賦

惜別從今日相憐已有時蹲鴟分一飽鷓鴣不吾欺共對

鄜州月原無凝碧詩感茲暱我眾益笑黨人癡

其二

出山仍忍淚未返故園時
匝地誰堪問高天吾豈欺
青鞵隨短劍丹穴護新詩
欲向潭龍說多情一味癡

甲申

武岡道上人採青蒿而食時
春盡向夏彌月不雨愴
然有作

一掬野蒿春刀兵剩此身
晴光頻射目苗氣不懷新
亂定兵難戢季豐國尙貧
蒼天知近遠欲問已含頰

逢明王孫邀同治仲小飲
觀伎卽席賦贈王孫名禮

黎書法妙絕精禪理比以請兵平亂幾歿於賊
王孫初脫亂離安歌舞燒燈夜未闌前日腰間藏寶玦如
今儘與外人看

其二

李長者翻千佛偈趙吳興倣二王書擬君雙絕終難匹報
國屠龍誓舍魚

東安得歐陽叔敬弟詩見憶賦答

古人性爲情今人口其耳生今媿古人與子同所恥南來
汎孤舟含愁睨江水八桂懸天末落葉隨所止蓬心延北
望中夜劍光歿誰能憐哀歌擊筑悲宋子讀君尺鯉書珍

重念行李中云側理滿未盡心紛詭擊楫意不伸巨浪終
難弭艸檄穎易禿奮袖臂欲痿夕風搖霜樹南鴈鳴汀漉
勉矣恤初心千秋睠方始

霜度函口

此首曾刻入嶽餘集
字句小異今兩存

墜葉滿征衣徑艸試霜色從知山川美足敵風塵力初暎
峰紫搖浮空映蒼植似可就奇光問之求羽翼

將營續夢菴登雙髻峰半訪址

不覺登處高上有千嶂爭下方平似水擬買釣舟橫

過鐵牛菴忽不欲入

此首曾刻入嶽餘集
字句小異今兩存

猶就水聲汲旋歸未揜關喜尋黃葉溼已度夕陽山

土門望師子峰用舊作韻

此下三首曾刻入嶽餘集字句小異今兩存

前遊餘愴在霜月況同時
世益磨磨駭生爲罔兩欺
九州浮一影殘癯續新詩
長向煙雲卧潭龍似我癡

其二

回望高逾甚前冬一杖時
孤幽霜月苦偏側虎狼欺
芒屨仍潭水石函尙小詩
只今腸可斷翻笑管情癡

戀響臺眺一奇石而上同
夏叔直緣石曲折又得一
址巋然可臺

身隨落葉高遂盡奇響力同
是一潺湲泉端不可識

曉同叔直出方廣寺步洗衲池
讀朱菊水司寇所鐫

譚友夏嶽遊記

此首曾刻入嶽餘集
字句互異今兩存

曲徑紆幽光知有高人趾
昨宵話寒河清賞摘雲髓
弱篠念杖藜茸苔想屐齒
日出寒煙收一石俯清泚
朝暾不相舍
厯厯字可紀
夏子發笑言循池屢經此
似有神護蔽珍重以須子
山川無秘惜今答相炊
累何以答古人雙影戀
流水

漏几勒石

此首曾刻入嶽餘集題下
多小注詩異一字今兩存

曠古登應少問之石不知此山初得主於嶽覺增奇葉動
鳴泉處橋寒亭午時有來爭勝槩莫更突西施

乙酉

堵牧遊先生登嶽拜二賢祠於方廣垂問余兄弟避
賊處將往尋訪山僧以道險止行至郡以新詩見
示感賦

輶輪鳥道嫩蒲分嶽氣相迎一片雲忠孝夫天原咫尺山
川與道互氤氳先賢寤授河圖秘南國將評九辯文獨向
孤峰憐破壁雪中踪跡混麈麈

堵公以黃石齋先生禮問石刻垂贈紀公補廬先墓
事有桐華之應詩以紀之

當世道誰尊川流赴海門鼎鐘勒至性艸木識親恩上相
墨衰燈中原黑瘴昏掄才將報國惟孝塞乾坤

武陵自署
文昌上相

耒陽曹伯實翁丈招同陳耳臣廣文訪杜少陵故墓
孤城斜日射荒丘華表蒼煙對荻洲鄧樹秦城悲弟妹天
清野曠弔孫劉傷心築旆陳濤恨回首寒砧白帝秋莫向
江湖怨飄泊人間還有水西流

續夢菴拈岸側桃花示慈枝菴主

當春儘與試鉛華耀日烘雲射晚霞是水是根攬掇就天
台有路不曾遮

劉杜三將至於前溪渡題畫扇見寄賦答

野渡寒雲亂冬郊艸尚青停車隨鴈陣寄窳到漁汀臥病
逢搖落閒愁半醉醒明朝相勞問時事不堪聽

丙戌

送李天玉以廣文行邑令之臨武

湖上已無家蠻方且放衙驅車隨艸綫欹枕看荻芽望幸
雲空綠揮戈日易斜向南連嶺海一訪葛洪砂

盛夏奉寄章峩山先生湘陰軍中

戎車六月正閑閑救日朱弓向月彎銅馬已聞心匪石巴
蛇敢恃骨成山中原冠帶壺漿待閩海絲綸檠戟頒師克
在和公自省丹忱專在念時艱

絕句

千絲垂柳出紅牆帶雨和風卸影長何事向南吹不了翠

華天半隔瀟湘

其二

名花珍重試芳叢
白酒朱旗醉曉風
近日園亭荒總盡
百錢買得一窠紅

其三

今日不雨雲崔嵬
明日不雨霞成堆
野人無事向天哭
巡使能驅太乙雷

其四

無酒爲歡且自賒
重重畫地作交叉
壚頭甕口向天笑
可許將儂去煮茶

其五

歷亂汀洲發水蕩朱朱白白似春叢歸鴻自許能成陣霜
葉還愁不耐風

其六

畫土分溝不在多一俱胝地有銀河門前鷓子掠簷過乳
雀還爭越燕窠

丁亥

丁亥元日續寢菴用袁石公韻

蜂端悔不勵青畦偕隱學成斷尾雞臣朔無聊飢欲死太
常有恨醉如泥燒琴天道原烹鶴徙宅癡腸反忘妻纔得

悟頭魔已過恰如春盡子規啼

其二

銀地堆螺粉畫畦凍雲如甕鎖醯雞湖陰日報翻紅浪嶺
外空聞投紫泥不遣蛛絲縈蝶寢已拚鶴子付梅妻自拈
黃葉當窗笑誰止門東索飯噉

祝融峰

斗氣玉衡分擎空幾片雲湘流隨隱見海色接氤氳細艸
孤根綴危亭溼霧熏下方煙一縷鐘磬未全聞

飛來船

偶然一葉落峰前細雨危煙嬾扣舷長偕白雲封幾尺瀟

湘春水坐中天

石浪菴贈破門

潛聖峰西攜杖來
龍腥猶帶古潭苔
祝融瞞我雲千尺
持向吾師索價回

又雪

西山晴踏已經旬
又破芳菲二月春
盡束千眉輪曉色
閒將片影問天鈞
當簷乳雀撩虛白
傍砌桃花識苦辛
定裏莫矜銀地好
天涯彌望長卿貧

上湘劇飲陽山公宅
上同李廣生洪伯修龍季霞山
公房
詔鄭石夜分歸宿
蝨慶菴月上有作

長歌短劍負雙輪綠醕紅鐙儘一旬昨夜隔江春半雨去
季艸閣小寒身夷門有酒誰澆墓破壁無家悵問津燕子
銜愁消未得相畱莫待落花晨

淫雨彌月將同叔直取上湘間道赴行在所不得困

車采山哀歌示叔直

天涯天涯吾將何之頸血如泉欲迸出紅潮涌上堯陸離
漣水東流瀆水北精衛欲填填不得豐隆豐隆爾旣非兕
抑非虎晝夜狂呼呼不止牽帥屏翳翻銀潢點滴無非髓
血髓行膝裹泥如柿油芒屨似刀割千耳兩人相將其痛
哭休畱夜嘯穿林木自有生歿各有鄉我獨何辜陷穹谷

殘兵如游蠱，僨帥如駭鹿。荒郊無煙，三百里封狐。瘞狗漸相撲，但得龍翔乘雨駕。天飛與君同，歿溪山顛亦足。

蕭一夔邀飲桐陰聽叔直彈漁樵問答

破壁能容得，開尊復屢邀。雲飛隨鳥度，雨定看虹消。偶爾蠲幽怨，相將慰寂寥。冰絃聊此日，隨分譜漁樵。

放杜少陵文文山作七歌

我生萬曆四七秋，顯皇膏雨方寸留。聖孫龍翔翔桂海，力與天吳爭橫流。峒煙蠻雨困龍氣，我欲從之道阻脩。嗚呼一歌兮向南，哭艸中求活如蝟縮。

風霾蔽天白日昏，今春別父而分奔。臨行忍淚相勸勉，雖

死不辱猶生存前季抗賊受羈困今者託足望何門嗚呼
二歌兮腸寸斷白髮扶杖苦驚竄

吾母鞠我過母長辛苦免我于羸疋去季哭婦淚不燥菜
羹誰煮藥誰嘗况聞餓賊恣掠奪行採艸根充餓糧嗚呼
三歌兮吾食粟難寄一粒供母粥

有兄有兄伯與仲時人誤擬等三鳳伯兮南奔仲潛伏化
爲醯雞管隘囊君親恩重報不得天涯生歿如春寢嗚呼
四歌兮音問絕獨向湘山聽鳴鳩

有妻有妻哭父歿匆匆藁葬埕如蟻寒食誰澆一碗漿墓
才難畱片楓紫翻令如汝去此速不飲湘江腥血水嗚呼

五歌兮思前冬嶽潭隨我狎蛟龍

有子有子頭如拳母死不哭癡笑喧天崩地裂不汝恤其
生其死如飄煙古人刀頭覓決絕我不能然付汝天嗚呼
六歌兮幸不灰他日定知誰氏子

洞庭翻波黿鼉吼倒駕天風獨西走回首人間鏡影非下
自黃童上白叟鐵網罩空飛不得修羅一絲蟠泥藕嗚呼
七歌兮孤身孤父母生我此髮膚